


www.BibleForChildren.org

मत्ती 26



तेबे यीशु फसह रे
त्योआरो ते छे दिन
पईले बैतनिय्याह गांव रे
आए, जेती लाजर था; जो
यीशुए मरे रेया बीचा ते जिऊंदा
कित्तेया था। तेबे मरियमे जटामासिया
रा आदा सेर बऊत मंईगा इत्र लयी
की यीशुए रे पैरा पाँदे मलेया
और आपणे बालो की तिना रे
पैर टूसे और इत्रो री खूशबुओ साथे सारा
कर खुशबूदार ऊईगा।



तेबे यहूदा इस्करियोती, जो बारा चलेया बीचा ते एक था, बड़े
पुरोईतो गे गया, ताकि यीशु तिना रे आथे पकड़वाया जाओ। सेयो ये
सुणी की खुश ऊईगे और तेसखे पैसे देणा
मंजूर कित्तेया। तेबे से मोका टोलने
लगेया कि यीशुए खे
कियाँ पकड़वाऊँ।



तेबे चेलेया यीशुए री आज्ञा मानी और फसह
रे त्योआरो री रोटी त्यार कित्ती। जेबे सेयो
खाणे लगी रे थे, तेबे यीशुए रोटी लयी और
आशीष मांगी की तोड़ी और चेलेया खे दित्ती
और बोलेया, “लओ खाओ; ये मेरा शरीर ए।”
तेबे तिने कटोरा लयी की धन्यवाद कित्तेया
और तिना खे देई की बोलेया, “तुसे सब एते
बीचा ते पियो। कऊँकि ये वाचा रा मेरा से
खून ए, जो बऊत जणेया रे पापो
री माफिया खे
बाह्या जाओआ।”



“शमौन, ओ शमौन! देख, शैताने तुसे लोक मांगी लये रे, ताकि कणका जेड़े फड़ाकुओ। पर मैं तेरिया तईं प्रार्थना कित्ती कि तुसे मां पाँदे विश्वास करना नि छाडी देओ, और जेबे तूँ आपणा मन फेरो, तो आपणे पाई मजबूत करने।” तिने बोलेया, “ओ प्रभु! आऊँ तुसा साथे जेला रे जाणे खे, बल्कि मरने खे बी त्यार ए।” प्रभुए बोलेया, “ओ पतरस! आऊँ ताखे बोलूँआ कि आज मुर्गे बांग नि देणी, जदुओ तक तूँ माखे तीन बार जाणने ते नि मुकरना।”



तेबे यीशु आपणे चलेया साथे
गतसमनी नाओं री जगा रे आए
और आपणे चलेया खे बोलणे
लगे, “एथी बैठे रे रणा, जदुओ
तक आऊँ तेती जाई की प्रार्थना
करूँ।” और बोलेया, “ओ अब्बा!
ओ पिता! तुसा ते सब कुछ ऊई
सकोआ, एस दुःखो खे मांगा गे ते
टाई दे, पर तेबे बी जेड़ा आऊँ
चाऊँआ, तेड़ा नि, पर जो तुसे
चाओए सेई ओ।”



तेबे यहूदा सिपाईया री एक पलटण, बड़े पुरोईत और फरीसिया री तरफा ते मन्दरो रे पईरेदारा खे लयी की दिऊए, मशाला और अथियार लयी की तेती आया। तेबे तिना बीचा ते एकी जणे प्रदान पुरोईतो रे दासो पाँदे तलवार चलाई की तेसरा दाँणा कान ऊड़ाई ता। तेबे यीशुए बोलेया, “एबे बस करो” और तेसरा कान छुँई की से ठीक करी ता।




तेबे सेयो तिना खे पकड़ी की प्रदान पुरोईतो रे आँगणो रे ल्याए और
पतरस दूरो-दूरो तेई तिना पीछे-पीछे आईगा और जेबे सेयो आँगणो रे
आग बाली की बैठी रे थे, तेबे पतरस बी तिना बीचे बैठे गा।




प्रदान पुरोईतो रे दासो बीचा ते
एकी जणे जो तेसरे टब्बरो
बीचा ते था, जेसरा कान
पतरसे बाडीता था, बोलेया,
“क्या मैं तूँ यीशुए साथे
बगीचे रे नि देखेया था?”
पतरसे फेर ना करी ती और तेबुई
मुर्गे बांग दित्ती। तेबे से बारे निकली
की फूटी-फूटी की रोणे लगेया।



तेबे सारी सभा उठी की तिना खे पिलातुसो गे
लयी गी। पिलातुसे तेसते पूछेया, “क्या तूँ
यहूदिये रा राजा ए?” यीशुए तेसखे बोलेया,
“तूँ आपू ई लगी रा बोलणे।” पर पिलातुसे
यीशुए खे छाडणे री इच्छा ते लोक फेर
समजयाए। पर तिने चींगी
की बोलेया, “एसखे क्रूसो
पाँदे चढ़ाई देओ, क्रूसो पाँदे।”



तेबे पिलातुसे यीशु क्रूसो पाँदे चढाणे खे तिना रे
आथो रे देईते, ताकि तिना खे क्रूसो पाँदे चढाई
देओ। तेबे सेयो यीशुए खे लयी गे। और सेयो
आपणा क्रूस चकी की तेसा जगा तक गये,
जेतेखे खोपड़िया री जगा बोलो थे और
इब्रानिया रे गुलगुता।






तेती तिने सेयो और तिना साथे दो ओर मांणू
कूसो पाँदे चढ़ाए, एकी खे ओरे और दूजे खे
पोरे और बीचे यीशु।



और सूरजो रा प्रयासा चली गा, तेबे मन्दरो रा पड़दा पाँदो ते लई की
थालो तक फटीगा और तिजी रे दो टुकड़े ऊईगे। ए ये दखाओ कि एबे
कोई मांणू परमेशरो री हजुरिया रे जाई सकोआ। तेबे यीशुए जोरे की
बोलेया, “ओ पिता! आऊँ आपणी आत्मा
तुसा रे आथो रे सम्बालूँआ और
ये बोली की तिने प्राण छाडी ते।”



जेबे साँज ऊई, तेबे, कऊँकि से तयारिया रा दिन
था, जो आरामो रे एक दिन पईले ओआ,
तेबे अरिमतियाह रा रणे वाला यूसुफ
आया, जो बड़ी सभा रा खास
जाणेया-मानेया रा सदस्य था
और आपू बी परमेशरो रे
राज्य री बाट न्यालो था।
से याओ करी की
पिलातुसो गे गया और



यीशुए री
लोथ मांगी।



जेबे साँज ऊई, तेबे, कऊँकि से तयारिया रा दिन
था, जो आरामो रे एक दिन पईले ओआ, तेबे
अरिमतियाह रा रणे वाला यूसुफ
आया, जो बड़ी सभा रा खास
जाणेया-मानेया रा सदस्य था
और आपू बी परमेशरो रे
राज्य री बाट न्यालो था।
से याओ करी की
पिलातुसो गे गया और
यीशुए री लोथ मांगी।



दूजे दिने, जो आरामो रा दिन था, बड़े पुरोईत और
फरीसिये कट्टे ऊई की पिलातुसो खे बोलेया,

“ओ महाराज! आसा खे याद ए
कि तिने भरमाणे वाले, जेबे से
जिऊँदा था तिने बोलेया था
कि, मां मरने ते बाद तीजे
दिने जिऊँदा ऊई जाणा।”
तेबे सेयो पईरेदारा खे
साथे लयी गे और

पात्थरो

पाँदे मोहर
लगाई की
कब्रा री
रखवाली
करने लगे।






आरामो रे दिनो ते बाद, अफ़ते रे पईले दिने,
तड़के-तड़के मरियम मगदलिनी और दूजी
मरियम, कब्र देखणे आईया। तेबे देखो,
बऊत बड़ा ईल्लण ऊआ, कऊँकि
प्रभुए रा एक स्वर्गदूत स्वर्गो ते
उतरेया और तिने नेड़े आयी
की कब्रा रा पात्थर कनारे
खसकेयी ता और तेते
पाँदे बैठी गा।


तेस देखी की पईरेदार
थरथराईगे और
बेओश ऊईगे।




स्वर्गदूते तिना जवाणसा खे बोलेया, “डरो नि;
कऊँकि माखे पता ए कि तुसे यीशुए खे,
जो क्रूसो पाँदे चढ़ाया था, तेसखे
टोलने लगी रिया। से एती निए,
पर आपणे वचनो रे मुताबिक
जिऊँदा ऊईगा रा।”



“आओ, ऐसा जगा खे देखो, जेती प्रभु थे राखे रे
और फटाफट जाई की तिना रे चलेया खे
बोलो कि सेयो मरे रे बीचा ते जिऊंदे
ऊईगे रे और सेयो तुसा ते पईले
गलील प्रदेशो रे पऊँछी जाणे,
तेती तुसा खे तिना रा दर्शन
ऊणा, मैं तुसा खे
बोली ता।”



सेयो जवाणसा डर और खुशिया साथे कब्रा ते फटाफट
वापस ऊई की चेलेया खे ये समाचार देणे दौड़ी
गिया। तेबे यीशु तिना खे मिले और बोलेया,
“नमस्ते!” सेयो नेडे आईया और तिना रे
पैर पकड़ी की तिना गे माथा टेकेया।





बादो ते यीशु तिना ग्यारा चलेया खे बी दिशीं गे, जेबे सेयो रोटि लगी
रे थे खाणे और तिना रे अविश्वासो और काठे मनो खे लवामा दित्तेया,
कऊँकि जिने सेयो जिऊँदे ऊणे ते बाद देखे थे, तिने तिना रा विश्वास नि
कित्तेया। तिना साथे गल्ला करने ते बाद प्रभु यीशु स्वर्गो खे चकी ते
और सेयो परमेशरो रे दाँणे कनारे बैठे।



तेसखे चेतावणी मिली और से गलील देशो खे
चली गा। तेबे से नासरत नाओं रे नगरो रे बसी
गा, ताकि भविष्यवक्ते रे जरिए बोलेया रा
वचन पूरा ओ कि, “तेसखे नासरी
बोलेया जाणा।”



रोमियों 3:23

कऊँकि सबी पाप करी राखेया और परमेशरो री महिमा ते दूर ऊईगे रे।

रोमियों 6:23

कऊँकि पापो री मजदूरी तो मौत ए, पर परमेशरो रा बरदान आसा रे प्रभु
यीशु मसीह रे अनन्त जीवन ए।

इब्रानियों 9:27

जेड़ा माणूए खे एक बार मरना और तिजी ते बाद न्याय रा ऊणा नियुक्त ए,



इफिसियों 2:8,9

कऊँकि विश्वासो रेई जरिए कृपा तेई तुसा रा उद्धार ऊई रा और ये तुसा री तरफा ते निए, बल्कि परमेशरो रा दान ए। और ना कामो री बजअ ते, एड़ा नि ओ की कोई कमण्ड करो।

रोमियों 10:9,10

जे तूँ आपणे मुंओ ते यीशुए खे प्रभु जाणी की अंगीकार करेगा और आपणे मनो रे विश्वास करेगा कि परमेशरे से मरे रेया बीचा ते जिऊँदा कित्तेया, तो तेरा पक्का उद्धार ऊणा। कऊँकि विश्वास दिलो ते करेया जाओआ जेतेरा नतीजा धार्मिकता ए और अंगीकार मुंओ ते करेया जाओआ जेतेरा नतीजा उद्धार ए।



यूहन्ना 3:16,17

“कऊँकि परमेशरे दुनिया रे लोका ते एड़ा प्यार कितेया कि तिने आपणा एकलौता पुत्र देईता, ताकि जो कोई तेस पाँदे विश्वास करो, से नाश नि ओ, पर अनन्त जीवन पाओ। परमेशरे आपणा पुत्र दुनिया रे इजी खे नि पेजेया कि से दुनिया पाँदे दण्डो री आज्ञा देओ, पर इजी खे कि दुनिया रे लोक तेसरी बजअ ते उद्धार पाओ।

1 यूहन्ना 5:11-13

और से गवाई ये कि परमेशरे आसा खे अनन्त जीवन देई राखेया और ये जीवन तेसरे पुत्रो रे ए। जेसगे परमेशरो रा पुत्र ए, तेसगे अनन्त जीवन ए और जेसगे परमेशरो रा पुत्र निए, तेसगे अनन्त जीवन पनिए। मैं तुसा खे, जो परमेशरो रे पुत्रो रे नाओं पाँदे विश्वास राखोए, इजी खे लिखी राखेया कि तुसे जाणो कि अनन्त जीवन तुसा राए



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Baghlayani NT (bfz) This work is licensed under
Creative Commons Attribution-ShareAlike 4.0 License.

<https://www.bible.com/bible/2957/MAT.1.BGHNT>

©2026 Bible for Children, Inc.

www.M1914.org

www.bibleforchildren.org

